

Misen Yia Bilong Ol Kantri Insait Long Asia Na Ocenia 2022

As Tingting

- Long strongim spirit bilong wanpela narapela na bungim olgeta kantri wantaim long olgeta ples bilong ol Monfort misenari long dispela graun we sindaun bilong ol pipol I bagarap na komyuniti I bruk nabaut na stap wanwan.
- Long luksave na tingting gut long ol wok misen bilong yumi olsem Montfort misenari long ol kantri yumi wok I stap.
- Long skelim na lukluk gut long wanem niupela wok misen yumi laik mekim long bihain taim.



Taim Na Ples Yumi Stap Nau

Asia na Ocenia:

- Ol i gat planti kainkain bilip, laip, pasin na tokples.
- Long sait bilong Bilip na Lotu. Ol I gat planti kainkain we na pasin bilong beten na Lotu, na dispela pasin na spirit em I gro na kamap bikpela tru.
- Igat nid long luksave long ol bratasusa bilong narapela ples, tokples na bilip, na kamapim pasin bilong wok bung wantaim.
- Yumi mas lukautim gut wanpela narapel
- Insait long sios i gat strongpela wok bilong ol misenari na trupela devosen long Maria.
- Nogat gutpela sapot na tingting bilong gavman long sait bilong skelim na yusim gut moni bilong kantri na pipol.

Bai yumi soim yumi yet olsem Monfort Misenari na Monfort Associates long wanem kain we long dispela taim nau? Olgeta lida bilong kantri bilong yumi I toktok strong long yumi mas save na klia gut long << Spirit, Laip na Misen bilong yumi ol Monfortian >> Wok bilong Autim Gutnius na Laip I pas oltaim wantaim Mary. (Long pasin na Spirit bilong givim yumi yet igo long Jisas long han bilong Mary), na tu long lukluk long wok bilong ol pipol bilong God long sait bilong kamap lida manmeri.

Het Tok: Kirap Na Givim Lait Go Aut, Montfort Long Asia Na Oceania

LOGO:

Kala Blu Bilong Het Tok: Dispela kala blu i makim Santu Virgo Maria

Diwai Kros: Diwai Kros na Mama Maria i pas wantaim oltaim, na dispela i makim tru laip na misen bilong yumi ol Monfortian. Oltaim Yumi "Kirap Na Givim Lait Go Aut" wantaim Diwai Kros na Santu Maria.

Kala Wait : Dispela kala i stap baksait long Logo i makim vokesen bilong yumi.
Yumi givim yumi yet igo long God long han bilong Mama Maria.



Raunpela Mak: Dispela raunpela mak i makim laip i stap oltaim long God na wokabaut bilong yumi ol Monfortian misenari, husait i redi oltaim long go na helpim wanpela narapela maski sapos yumi kam long narapela ples, tokples na kantri.

Raunpela Kala Blu: Dispela kala em i makim LAIP- LAIP BILONG GOD. Asia – Ocenia i stap long wanpela trupela spirit na pasin bilong God. Dispela pasin i helpim mipela long stap klostu wantaim wanepla narapela wantaim God.

Sta: Wanwan Lait bilong STA i makim olsem wanwan kantri i pas wantaim wanpela narapela. Wanwan kona bilong Sta i soim olsem yumi kam long narapela ples, kantri na tokples, tasol long Spirit bilong Monfort, yumi bung wantaim olsem Monfortian. Yumi olgeta(Asia-Oceania) KIRAP NA GIVIM LAIT IGO AUT na mekim KRAIST i kamap ples klia long ol wok yumi mekim na long ol pasin yumi soim olsem Momfortian insait long komyuniti bilong yumi .

Larim Spirit bilong St. Louis Marie de Montfort StiaimLlaip Bilong Yumi Oltaim Na Yumi Olgeta Mas KIRAP NA GIVIM LAIT GO AUT.

Prea:

O God Papa, tingim dispela gutpela wok misen yu bin kamapim long dispela congrragation bilong inapim tingting na laik bilong yu, taim yu singautim wok man bilong yu, Santu Louise Marie de Monfort long mekim wok bilong Autim Gutnius bilong Jisas pikinini bilong yu, na long wok bilong sapatim laip na senis insait long sios. Tingim mipela ol misenari husait i givim mipela yet long mekim dispela wok bilong autim Gutnius bilong Jisas wantaim Pasin na Spirit bilong Monfort hia long Asia na Ocenia

Salim Holi Spirit bilong yu i kam stap wantaim mipela, na mekim mipela i kamap stretpela wokman olsem yu yet i laikim, bai mipela oltaim **kirap na givim Lait go aut** long ol pipol long pasin bilong wok bung wantaim, na moa yet long taim mipela i mekim wok bilong mipela. Mipela i putim mipela yet igo aninit long lukaut bilong Santu Virgo Maria, em i Mama bilong Jesus na mama bilong mipela tu.

Helpim mipela long painim na holim gut gen ol gutpela presen yu givim pinis long mipela ol monfort misenari, yu singautim mipela oltaim long toktok long ol salens insait long Asia-Oceania, wantaim gutpela laip na bilip bilong wanpela narapela na long wok bung wantaim olgeta manmeri long dispela graun. Strongim mipela long strongim wanpela narapela long laikim bilong God long dispela graun.

Ona igo long Jisas long Maria ! Ona igo long Maria long Jisas ! Ona igo long God wanpela tasol.

SINGSING:

KIRAP NA GIVIM LAIT GO AUT (TOK PIDGIN)

Fr. Willy Selman, Pontcheau-France

Singaut bilong yumi long go aut
autim tok bilong Jisas Kraist em i Lord
Singaut bilong yumi long go aut
Long olgeta hap bilong graun.

Singaut bilong yumi long go aut
olsem strongpela misenari
Singaut bilong yumi long go aut
Long namel long kantri na tokples

Kirap na givim lait go aut
Yumi mas kamap lait, lait i strong tumas
daunim tudak bilong dispela graun.
Kirap na givim lait go aut ,
Yumi mas kamap lait, lait i strong tumas
Wantaim spirit bilong Santu Monfort.

Kirap na givim lait go aut.....
Wanntaim spirit husait go pas long Santu Monfort.

Kirap na givim lait go aut.....
Yumi mas kamap lait, lait i strong tumas
daunim tudak bilong dispela graun.

Kirap na givim lait go aut ,
Yumi mas kamap lait, lait i strong tumas
Wantaim spirit bilong Santu Monfort

Kirap na givim lait go aut.....
Wanntaim spirit husait go pas long Santu Monfort.
Wanntaim spirit husait go pas long Santu Monfort.